

Na osnovu člana 72. Zakona o javnim nabavkama BiH (Sl.glasnik BiH 39/14) a nakon provedenog Konkurentskog postupka za nabavke usluge: **Usluga regeneracije i opravke izmjenjivača toplote LOT 3010** , sa sukcesivnom isporukom za potrebe, KJKP GRADSKI SAOBRAĆAJ D.O.O. SARAJEVO, zaključuje se:

OKVIRNI SPORAZUM O NABAVCI USLUGE: Usluga regeneracije i opravke izmjenjivača toplote LOT 3010

Između:

1. KJKP GRADSKI SAOBRAĆAJ D.O.O. SARAJEVO, ul. Srđana Aleksića br.1, koga zastupa V.D.Generalni direktor Ismet Kapo dipl.ecc., s jedne strane /u daljem tekstu: Ugovorni organ /
2. DRR AUTO d.o.o.Kiseljak, ul.Kralja Tomislava 56, Reg. br. 051-0-Reg-11-001478, MBS: 51-01-0086-11, ID BR. 4236536560007, PDV BR. 236536560007, TR. RN. BR. 1542602003624517 kod INTESA SANPAOLO bank d.d., koga zastupa Dragan Grubešić - direktor, s druge strane (u daljem tekstu: Vršioc)

Član 1.

Ovim okvirnim sporazumom ugovorene strane regulišu okvirna pitanja vezana za realizaciju nabavke usluge: **Usluga regeneracije i opravke izmjenjivača toplote LOT 3010** .

Član 2.

Predmet ovog Okvirnog sporazuma je sukcesivna nabavka usluge: **Usluga regeneracije i opravke izmjenjivača toplote LOT 3010** od firme **DRR AUTO d.o.o.Kiseljak**, kojem je dodjeljen Okvirni sporazum Odlukom Ugovornog organa broj 04/503 od 18.10.2019 god.,o izboru najpovoljnijeg ponuđača, a koji je proveden po Konkurentskom postupku objavljenog na Portalu javnih nabavki 6.9.2019 godine .

Član 3.

Vršioc se obavezuje da će Ugovornom organu izvršiti uslugu iz člana 1 ovog Sporazuma, pod uslovima i jediničnoj cijeni kao što je naznačeno u prilogu ovog Sporazuma (Anex 2 – Tehnički podaci i elementi ponude) koji čine njegov sastavni dio.
Vrijednost izvršenja usluge po ovom ugovoru iznosi: 26.700,00 KM bez PDV-a, odnosno 31.239,00 KM sa PDV-om za period od jedne godine.
Način i uslovi plaćanja: 60 dana od dana izvršenja usluge.

Član 4.

Količine navedene u prilogu ovog sporazuma nisu obavezujuće za Ugovorni organ, tako da isti zadržava pravo na promjenu količine i nabavku samo onih količina koje su mu potrebne.
Okvirni sporazum se zaključuje na period od jedne godine od potpisivanja Okvirnog sporazuma, odnosno maksimalne finansijske vrijednosti okvirnog sporazuma navedene u članu 3 stav dva sporazuma.

Član 5.

Vršioc se obavezuje da će uslugu izvršiti Ugovornom organu u okrugu ugovornog organa u roku 14 dana od prijema pismenog zahtjeva za izvršenje.
Vršioc će izvršavati a Ugovorni organ preuzimati ugovorenu uslugu prema dispoziciji Ugovornog organa, a na temelju narudžbenice za određenu vrstu i količinu usluge.

Član 6.

Kvalitet usluge mora odgovarati važećim propisima o kvalitetu usluge u BiH.
Vršioc daje garanciju za izvršenu uslugu od 1 godina od dana izvršenja usluge.
Kvalitativni i kvantitativni pregled izvršenja usluge iz ovog sporazuma Ugovorni organ se obavezuje obaviti odmah po njenom izvršenju. U slučaju da Ugovorni organ pri izvršenju usluge utvrdi da usluga na bilo koji način ne zadovoljava, za istu će odmah tražiti izvršenje nove u najkraćem mogućem roku.
U slučaju da Ugovorni organ naknadno utvrdi razliku u izvršenom obimu ili da kvaliteta ne odgovara Ugovorni organ će sačiniti komisijski zapisnik kojeg će najkasnije u roku od tri dana dostaviti vršiocu radi otklanjanja uočenog nedostatka. Dobavljač se obavezuje da otkloni uočeni nedostatak u roku od tri dana po prijemu zapisnika.

Član 7.

Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma. Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe zakona o obligacionim odnosima.

Član 8.

Vršio je obavezan, prilikom potpisivanja ugovora dostaviti безусловnu bankarsku garanciju naplativu na prvi poziv u iznosu od 2 % od ugovorene vrijednosti ugovora ili mjenicu sa rokom važnosti od dana zaključenja ugovora do isteka važenja ugovora + 30 dana .

Ukoliko Vršio, u vrijeme potpisivanja ugovora, ne dostavi безусловnu bankarsku garanciju ili mjenicu iz stava 1. ovog člana, a sporazum se potpiše, primjenjivat će se odredbe člana 125 Zakona o obligacionim odnosima.

Član 9.

U okviru perioda važenja ovog okvirnog sporazuma koji je naveden u članu 4. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 10.

Cijene iz ovog sporazuma su nepromjenjive u toku važenja sporazuma. Prema izjavi vršioca (Izjava je sastavni dio tenderske dokumentacije).

Član 11.

Odredbe ovog okvirnog sporazuma ne mogu se mijenjati nakon njegovog zaključenja.

Član 12.

Ovaj okvirni sporazum stupa na snagu nakon potpisivanja obje ugovorne strane. Ukoliko vršio ne ispuni uslov vezan za garanciju za dobro izvršenje posla u roku regulisanom u tački 8 sporazuma smatrat će se da ovaj sporazum nije ni zaključen.

Član 13.

Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu.

Član 14.

Ovaj okvirni sporazum je sačinjen u /4/ primjerka, od kojih ugovorni organ zadržava tri /3/, a dobavljač /1/ primjerak .

ZA DOBAVLJAČA


DIREKTOR


Dragan Grubešić




Broj: _____
Datum: 6.11.19

ZA UGOVORNI ORGAN
V.D. GENERALNI DIREKTOR


Ismet Kapo dipl.ecc.

Supotpisnik:


Mr.sci. Almir Ahmetpahić dipl.ing.saob.

Broj: 15410
Datum: 05-11-2019